




10 GEN. 2019




ERA GARBÈRA

Revista entà mainatges e mainades · Num. 70 · An 2018 · 4€



iaio Monet





ACCÈRE È NON ÈRE...

Era dentista deth dragon

Vicent Pallarés Pascual

Èster dragon non ei facil. Tot eth dia minjant shivalièrs, empassant-se princesses despistades e lancant huec pera boca non ei bric recomanable tara salut. Sustot, non ei bon entàs dents. E s'ath dessús ès un dragon que t'agraden es doci, encara piri.

Donques, açò li passèc ad aguest dragon. Un dia ère ena sua còva tranquil e fresquet e de patac, sentec un dolor terrible de caishaus. Se li hège mau... Non vos ac podetz imaginar. Gronhie e gronhie coma un desesperat, praube. E non sabie pas perqué.

Guarda tu, que just, passauen per aquiu uns excursionistes e en enténer toti aqueri crits e gronhs entrèren ena còva a veir ce qué passau. E, suspresa! Se trobèren eth dragon damb un fòrt dolor que les expliquèc eth sòn problema. Eri, de patac, vederen qu'auie un dent damb càries.

Ath principi aueren un shinhau de pòur. Non toti es dies se ve un dragon e se pòt parlar damb eth. Mès, dempùs der espavordiment deth principi decidiren ajudar-lo. E era melhor solucion que pensèren ère portar-lo tà ua dentista perque sonque eri pòden apraiar es càries. E calie hèc ben deprèssa entà qu'eth dragon non se metesse piri. Vos imaginatz un dragon sense dents? Non poirie minjar shivalièrs ne princesses. Ah! E sustot, non harie ne era mitat de pòur. E tà èster un dragon de conde cau hèr molta pòur.


Eth problema ère trobar ua dentista tà dragons. Com poderatz verificar non ei facil perque non abonden. Alavetz, se'n anèren tara vila toti amassa e aquiu cerquèren pertot. Finaument, arribèren en ua clinica de dents a on i trobèren era unica persona que sabie apraiar càries de dents de dragon. Aquiu laguens dera clinica les demoraue era dentista que quan lo vedec avec un espant fòrt.

—Uau! Se'n hège de temps que non apariaua un dent de dragon — exclamèc.

—Vengue. Se sèigue ací e daurisque era boca e veiram eth dent. — Li didec era dentista ath dragon.

Se l'auéssetz vist. Quin patac de dents auie eth dragon!

—Sembla que vosté a ua grana càries — li expliquèc.



Ui! Se'n hec un hart era dentista pr'amor que l'auie molt maumetut. Ath dessús, eth dragon auec de trèir dus còps huec pera boca e per pòc ahlame tota era clinica.

—O pare o jo non pogui continuar— li didec era dentista.

—Ah. D'acòrd, perdone! Non me podia retier mès eth huec—responec eth dragon.

—Ben, tranquil. Non ac torne a hèr, a veir se me cremarà.

Finaument li didec: —Barre es uelhs e respire — E, pòc a pòc, aparièc eth dent. E eth dragon hec un gran gronh. De seguida se trobèc molt ben.

—Ja a eth dent apariat. Sonque pogui dider-li que non minge massa shivalièrs. Se mès non, non se les minge damb era armadura. Que vos maumenten era dentadura—li aconselhèc era dentista.

—Ah, e non trèigue molt de huec pera boca. Que se non d'ací quate dies aurà de tornar. E s'a de lauar es dents. E non minge doci— higec era dentista.

Eth dragon li didec ara dentista que cuedarie molt ben es sòns dents. Ère content d'auer-les un aute còp sans. Ara que tornaue a hèr pòur com es dragons des compdes treiguent huec e damb ua grana dentadura. Dilhèu aué serie un bon dia tà minjar-se bèth shivalièr despistat.




CAVILLEM

Qué ei era càries?
Com la podem previer?
Cres qu'es bésties tanben pòden auer càries?

PASCALET e COMPANHIA

RAFA REINOSO.







ER OS GOIAT



Es ossi enes Pirenèus sigueren a punt de desaparéisher hè uns 25 ans. Per aquerò se portèren d'auti ossi d'Eslovènia, damb er objectiu d'evitar-ne era extincion, ja qu'ei ua espècia protegida. Damb es ans era poblacion a anat aumentant e aué i a mès de 40 ossi, mès com sonque se portèren dus mascles e un moric joen, lèu toti son hilhs o arrèrhilhs deth madeish pair: eth vielh Pyros. E com non pòt èster bon que toti siguen parents, se decidic portar un aute gran mascle, e aguest ei Goiat, que se capturèc en Eslovènia en 2016 e se deishèc anar en Palhars.




Eth colhar ei com ua esquera modèrna, damb ues bateries e un GPS qu'envie era informacion per internet a trauès d'un satellit. Mès ath cap deth temps es piles s'acaben e les cau cambiar.



Es pès de Goiat son grani coma es d'un òme. Es ossi an es plantes adaptades ara nhèu tà escalar pes ròques e son molt boni escaladors.


Goiat s'a hèt famós perque ei er unic os que se coñeish en Pirenèu que s'a especialitzat en aucir cavales e polhins e açò cause molti problèmes as pagesi, e per aquerò se parle de trèir-lo deth miei. Tant per se lo cau retirar deth sòn abitat, coma entà conéisher era sua activitat depredadora damb es ramats, lo cau auer controlat, e açò se hè damb un colhar GPS qu'envie era localizacion der os en cada moment. Aguest GPS a unes bateries e Dempús de tres ans s'auien descargat, per aquerò les ac cambièren.






Se gravèc tota era intervencion damb cameres go-pro e drons. I participèren diuèrsi tecnics e agents deth Conselh Generau d'Aran e dera Generalitat.

Nòta. Goiat ei ua paraula palharesa que signifique òme joen, com en aranés gojat.











PASSATEMPS

ORDENA ES FIGURES DE MAJOR A MENOR.




ACOLORÍS ETH PERSONATGE.




CERCA ES SÈT DIFERÈNCIES.




COMPLÈTA ETH SUDOKU. NON
SE PÒT REPETIR CAP DE
NUMÈRO EN UA MADEISHA
HILÈRA, COLOMNA O REGION.



QUIN NUMÈRO
EI REPETIT?




LABERINT!





DAMB UA GUITARRA ELECTRICA PODERÈ
TOCAR CANÇONS QUE
DONGUEN CORRENT?


MMM...





HA, HA, HA.... JO PENSI QUE
AC! ERA MUSICA AC PÒT TOT!



PERFÈCTE!




JA M'AC
PENSAUA



GAT NINJA e KAMIKAZE PIO








DESTARIFATS

MANEL
GIMENO




Dra. PÍXEL








JOAN FÒRT








TONET E MOSSET



Tara docha



E ARA TÀ ON VAS? NON ME GAHARÀS PERA ESQUIA!



CÒRGELAT

